

Deklarasyon Dwa Paran yo

Lè ou se yon paran, yon responsab legal oswa moun ki gen otorizasyon pou pran desizyon pou yon pasyan timoun k ap resevwa swen sante nan lopital sa a, ou gen dwa, dapre lalwa, pou sa ki endike anba la yo:

- 1) Pou fè lopital la konnen non pwofesyonèl swen prensipal ptit ou, si ou konnen li, epitou pou fè yo note enfòmasyon sa a nan dosye medikal ptit ou.
- 2) Pou asire lopital nou an ap admèt sèlman pasyan timoun nan limit ki annamoni avèk mwayen lopital nou an pou bay ekip ki kalifye, espas ak ekipman ki gen dimansyon apwopriye ki nesesè pou bezwen inik pasyan timoun yo.
- 3) Pou pèmèt omwen yon paran oswa yon responsab legal rete avèk ptit ou toutan, nan limit ki posib dapre bezwen sante ak sekirite ptit ou.
- 4) Pou yon doktè, yon asistan doktè, oswa yon enfimyè pratisyen ki abitye avèk maladi ptit ou nan moman an revize tout rezulta tès ptit ou fè yo pandan admisyon li oswa pandan vizit li nan saldijans lan.
- 5) Pou ptit ou pa jwenn egzeyat nan lopital nou oswa nan saldijans nou jouk lè yon doktè, yon asistan doktè, ak/oswa yon enfimyè pratisyen revize nenpòt tès nou kapab prevwa yon fason rezonab k ap bay rezulta ki gen enpòtans kritik epitou pou yo kominike rezulta yo ba ou oswa ba moun k ap pran desizyon yo, epitou ba ptit ou, si li apwopriye. Rezulta ki gen enpòtans kritik se rezulta ki sijere yon maladi ki menase lavi ou oswa maladi grav ki lakòz ou bezwen atansyon medikal imedyatman.
- 6) Pou ptit ou pa jwenn egzeyat nan lopital nou oswa nan saldijans nou jouk lè oumenm oswa ptit ou, si li apwopriye, resevwa yon plan egzeyat alekri, n ap kominike aloral ba ou ak ba ptit ou oswa ba lòt moun k ap pran desizyon medikal yo. Plan egzeyat alekri a ap idantifye sitou nenpòt rezulta kritik tès laboratwa oswa lòt tès dyagnostik doktè rekòmande yo pandan tan ptit ou pase nan lopital la epitou l ap idantifye nenpòt lòt tès nou pokò fè konklizyon sou yo.
- 7) Pou nou ba ou bon jan rezulta ak plan egzeyat pou ptit ou nan yon mannyè ki asire, yon fason rezonab, oumenm, ptit ou (si li apwopriye), oswa lòt moun k ap pran desizyon yo konprann enfòmasyon sou sante nou ba ou pou ou kapab pran desizyon ki apwopriye sou sante.
- 8) Pou pwofesyonèl swen prensipal ptit ou, si ou konnen li, resevwa tout rezulta tès laboratwa konsènan ospitalizasyon sa a oswa vizit sa a nan saldijans lan.
- 9) Pou mande enfòmasyon sou dyagnostik la oswa sou posib dyagnostik nou te konsidere pandan episòd swen sante ak konplikasyon ki kapab devlope yo ap enfòmasyon sou nenpòt kontak ou te pran avèk pwofesyonèl swen prensipal ptit ou.
- 10) Pou ou resevwa, nan moman egzeyat ptit ou nan lopital la oswa nan depatman ijans lan, yon nimewo telefòn ou kapab rele pou mande konsèy si ta gen konplikasyon oswa sizoka ou gen kesyon konsènan pwoblèm medikal ptit ou.

Lwa sou Sante Piblik (Public Health Law, PHL) 2803(i)(g) Dwa Pasyan 10NYCRR, Seksyon 405.7

